

Bemba - Ulunkumbwa Malembo Yamushilo - Lust Scriptures

Ukafuma 15:9 Umulwani epakutila, ‘Kambasupile, ndebasanga. Ndeyakanya ne fitapo, no mutima wandi ulefikuta. Ndesomona ulupanga lwandi, ukuboko kwandi kulebonaula.’

Ukafuma 18:21 Lelo usalepo pa bantu bonse abaume bambo abamano, kibili abakatiina kuli Lesa, abacishinka, abashifwaya na mafisakanwa. Aba ebo upeеле umulimo wakutungulula abantu mu makana, mu myanda, mu makumi yasano elyo bambi nabo mu makumi.

Ukafuma 20:14 Wilacita bucende.

Ukafuma 20:17 “Wilakumbwa ḥanda ya mubiyo. Wilakumbwa muka mubiyo, nangu umusha wakwe umwaume nelyo umusha wakwe umwanakashi, nangu ijombe yakwe nangu punda wakwe, nangu icintufye conse ico mubiyo akwata.”

Impendwa 11:4 Nomba abenafyallo abali mu bena Israeli balafwaisha ifyakulya fimbi. Abena Israeli nabo nakibili balalila abati, “Yangu ukwakumona inama shakulya!

Amafunde 5:21 “Wilakumbwa muka mubiyo. Wilakumbwa ḥanda ya mubiyo, nangu impanga yakwe, nangu umusha wakwe umwaume nelyo umwanakashi, nangu ijombe yakwe, nangu punda wakwe, nangufye icili conse ico akwata.’

Amafunde 12:20 “Ilyo Yawe Lesa wenu akalundako icalo cenu ngefyo amulaile, elyo na imwe mwaumfwa icikasha kibili mwasosa amuti, ‘tulefwaya inama,’ lyena kuti mwalya inama umo mulefwaila.

Amafunde 22:22 “Nga cakuti mwasangilisha umwaume nasendama na muka mwine, bonse babili, umwaume uwasendama no mwanakashi elyo no mwanakashi wine bafwile ukufwa. Efyo mufwile ukufumya ububi pakati ka Israeli.

Yoshua 7:21 Ilyo namwene mu fyakutapa umwingila usuma uwa ku Shina ne ndalamu sha silifa amashekeli imyanda ibili elyo ne cipimfyca ca golide icafina ukucilako citika wa kilo, elyo nafikumbilwe no kubuula. Fyonse ifi fintu, nafifishile mwi tenti lyandi, emo nafishiika pansi, pamo pene na silifa ewaba pansi ya fibiye.”

Amalumbo 10:3 Umubifi alaitakisha pa fya lunkumbwa lwakwe Uwakaso alatuka no kupontela Yawe.

Amalumbo 78:18 Basukile bayamba ukulaesha Lesa, pakumulomba icakulya ico balekumbwa.

Amalumbo 78:30 Nomba pa nshita bacili balelya, ninshi no kwikuta tabalaikuta ifyakulya balekumbwa,

Amalumbo 81:12 Kanshi eico ine nimbalekako pakuti bashale abaumalala

ifyo fine, baleicitila ifintu umo abene balefwaila.

**Amalumbo 106:14 Mu matololo baikatwa no lunkumbwa, no kwesha baesha
Lesa muli cilya ciswebebe.**

**Amalumbo 119:36 Leka ine ndefwaisha ukubeela ifyebo fyobe, ukucila
ukufwaya ukunonka ifyuma fyabucenjeshi.**

**Amapinda 1:19 Pefye abapupu bafwila pa bupupu bwabo, efyo ciba kuli bonse
abaikalilafye ukwiba.**

**Amapinda 6:25 Iwe wilakumbwa ubusuma bwakwe mu mutima obe, nangufye
akufwebulwile shani amenso.**

**Amapinda 15:27 Uwalunkumbwa Iwa fyuma aletelela ulupwa Iwakwe, lelo
uwapata amafisakanwa enda umumi.**

**Amapinda 21:25,26 Ulunkumbwa elwipaisha umunaŋani, pantu iminwe yakwe
ilakaana ukubomba imilimo. 26 Ena akasuba konse atontonkanyafye
ukupeelwapo na fimbi, lelo umuntu umololoke apeela ngo kufwita, tatana
iyoo.**

**Amapinda 28:16 Kateeka uwabula amano alateeka abantu ku kalili, lelo
kateeka uwapata ulwinso Iwafyuma ena alakokola pa calo.**

**Esaya 56:11 Ishi ntungulushi shaba nge mbwa ishatemwisha ukulya
tashiikuta nakalya. Bacemi impelwamano. Bonse umo umo bacitilafye umo
balefwaila, cila umo akonkelelafye ubunonshi bwakwe epela.**

**Esaya 57:17 Ine nalibafulilwe pa mulandu wakuba no Iwinso Iwa fyabubifi.
Kanshi ine epakubalimuna cipyu cipyu, nabafumyako na mano nafisa ne
cinso candi. Nalyo line imitwe yabo yakosele ndi, bakonkenyepofye
ukulacita icicitecite.**

**Yeremia 6:13 Pantu abakalamba na banono bene, bonse bafwaishafye
ukulanonkela ifyuma mu bucenjeshi. Na bakasesema bene kumo kwine na
bashimapepo, bonsefye ni ncenjeshi shakantu.**

**Yeremia 22:17 Nomba amenso yobe no mutima obe fyalolafye kukumwenamo
ubunonshi bwabucenjeshi, kukusumya umulopa wa bakaele, no kucita
ulufyengo no bunkalwe.**

**Yeremia 51:13 Mu Babiloni mwaba imimana iyingi, ne fyuma fyatutilwamo
nafyo ifingi, awe nomba impela yobe yafika, ubumi bobo nabupwa.**

**Esekieli 6:9 Elyo, kulya kwine ku mishobo ya benafyalo uko bakabasenda
bunkole, abakapusukako eko bakalanjibukishisha no kwishiba pafyo
bankalifye ku micitile ya mitima yabo iyabupulumushi, pantu
balimfumisheko amano, elyo nefyo bali no Iwinso Iwa tulubi, ine
balinsuulile. Kwena bakalaiseka abene pa mulandu wa fibi ne fyabunani
ifyo balecita.**

**Esekieli 14:4,5 "Kanshi iwe ubebeko ifyo ine ne Mfumu Yawe nalaosa,
ulande auti, 'Umwina Israeli onsefye uuletunkwa ukulapepa utulubi no
kubika ifyakupunwisha ifibi kuntansi yakwe, uyo muntu nga aya kuli**

kasesema umo kukwipushako fimo, awe ninshi nine wine ne Yawe nkamwasuka ukulingana no bwingi bwa tulubi twakwe. 5 Nkacita ici pakuti nkanashe imitima ya bena Israeli abansangukila pa mulandu wa tulubi twabo tonse.'

Esekieli 22:12 Muli iwe abantu bambo balapoka amafisakanwa pakuti basumye umulopa wa muntu. Bamo balakongwesha kaloba no kupokelapo insonselo ukucila mu cipimo ukufuma ku bena mupalamano babo. Kibili mwalindabako ine. Efyasosa Imfumu Yawe.

Esekieli 33:31 Kanshi abantu besa kuli iwe ngefyo bafwile ukwisa, no kwisa ikala pa ntanshi yobe nga bantu bandi mukumfwa ifyo ulelanda, lelo balafilwa ukuficita. Ku tunwa twabo balanda ukusumina kwati nabakutemwa lelo imitima yabo ikonkamofye ubunonshi.

Hosea 4:12 Bena baleya ku cimuti pakuti eco cilebapandako amano. Inkonto eilebebako ifyo balefwaya ukwishiba. Pantu umupashi wabucilende naubalufya, nabafuma na kuli Lesa wabo ukuya mukucita bucilende.

Hosea 5:4 Ifibi ifyo abena Israeli bacita efilebalesha ukubwelela kuli Lesa wabo. Pantu baba no mupashi wabucilende, tabasakamanako na kuli Yawe nakalya.

Mika 2:2 Nga mabala balekumbwa, ninshi bena kuyapoka. Nga mayanda balefwaya, ninshi bena kuyapoka. Umuntu bena kumwibila ijanda yakwe no kucululusha ulupwa Iwakwe bamwibila ne fyuma fyakwe fyacishilano.

Nahumu 3:4 Ne cilengele, nico ubulalelale bwalifulisha mu Ninife, umwaba imbeke sha banakashi bacilende, abacenjela ku miti ya cisense, abasembeleka abantu aba mishobo, no kulabatemuna ku miti yabo iya cisense.

Habakuku 2:9 Alishama uunonkela aba ijanda yakwe ifyuma fya mu lufyengo, pakuti abe uwa pamulu, epakuti aleikala bwino ukwabula ifibi ukumuponena.

Mateo 5:28 Lelo ine namweba nati, uyo onse uwalolekesha umwanakashi no lunkumbwa lubi, ninshi nabembuka nankwe mu mutima wakwe.

Mako 4:19 Aba ebomfwa ishiwi, lelo isakamika iya fya pano calo, no mukonkelelo wa fyuma, no lunkumbwa Iwa fintu fimbii, fyatusha ishiwi, iya filwa no kutwala ifisabo.

Mako 7:22 ulunkumbwa Iwa fyuma, ubunkalwe, ubucenjeshi, bucilende, umufimbila, umusaalula, icilumba no buwelewele.

Luka 3:14 Abashilika bambo bamwipusha abati, "Nga ifwe bushe tuli nokucita nshi?" Nabo abeba ati, "Mwilapokolola cintu ku muntu nelyo umo ku maka, nangu ukumufyenga mukubomfyia ubufi. Imwe mulesakamanafye ukupoka malipilo yenu."

Luka 12:15 Elyo Yesu abeba ati, "Mulecenjela, muleisunga ku mukonkelelo wakukwatisha ifyuma. Pantu umweo wa muntu, tawaba mukukwatisha

ifyuma ifingi.”

Luka 16:14 Abafalise, ico batemenwe indalama, ilyo baumfwa ifi, balaseka Yesu.

Yoani 8:44 Imwe shinwe ni Ciwa. Kibili mufwayafye ukucita ifyo shinwe afwaya. Ukufumafye na ku kale aba cipondo. Kibili tatala akonka ifyacishinka, pantu taba na cishinka. Wena nga alebepa, ninshi alelandafye ifyo afwile ukulanda. Pantu wabufi, kibili e cibinda wa bufi bonse.

Imilimo 20:33 Ine nshatala nkwatapo ulunkumbwa Iwa fyuma nangu indalama sha muntu iyoo.

Roma 1:24-29 Kanshi eico Lesa alibaleka bakonkelela ulunkumbwa lubi Iwa mitima yabo. Bacita ifyabupulumushi ifyamusebanya ngansi. 25 Balisuula icishinka cakwa Lesa, basalapo ubufi. Bapepa no kubombela ifibumbwa fyakwa Lesa, elyo basuula Kabumba wine wafiko, uo abantu bafwile ukulalumbanya lyonse! Ameni. 26 Mulandu wakucita ifi fintu eco Lesa abalekela balekonkelela ulunkumbwa lubi ulwamusebanya. Abanakashi balecita ubupulumushi na banakashi banabo, ici tefyo cifwile ukuba. 27 Abaume nabo balileka ukulala na banakashi, nomba baikatwa no lunkumbwa lubi ulwa baume banabo. Kanshi abaume balecita ubupulumushi na baume banabo. Ici cintu camusebanya ngansi. Kanshi abene ebailetelela ukukandwa pa kulungana kwabo. 28 Apo aba bantu bakaana ukusakamana ifyacishinka pali Lesa, Lesa nao aleka amano yabo yawile ku fyabuwelewele. Nomba bacita ifintu bashifwile kucita. 29 Balyobelewwa no bubi bwa misango yonse, ulunkumbwa Iwafyuma, no lunkumbwa Iwabupulumushi. Balyobelewwa ku mufimbila, kukwipayana, kukuuman, kukufinshanya, ku mufulo na ku Iwambo.

Roma 6:12 Kanshi mwilaleka ububifi buleteeka imibili yenu iyinakufwa. Kibili mwilakonkelela ulunkumbwa lubi Iwa mibili yenu.

Roma 7:7 Nga kansi tutile shani? Bushe Amafunde yakwa Mose e bubifi bwine? Awe iyoo! Lelo kwena ukwabula ukwishiba Amafunde yakwa Mose, nga tekuti njishibe ifyo ububifi bwaba. Pantu amafunde ayakaana kunjeba ukuti, “Wilakumbwa,” awe ine no lunkumbwa nga nshalwishiha.

Roma 13:9,14 Ifyebo fitila, “Wilabembuka, wilaipaya, wilaiba, wilakumbwa fya bene,” ifi fyebo fyonse na fimbi fine fyonse, fyashintafye pali ici cebo cimo icakuti, “Uletemwa umubiyo ngefyo waitemwa we mwine.” 14 Lekeni Imfumu Yesu Kristu ibe e canso cenu icakulwilako. Lekeni ukusakamana ukukonkelela ulunkumbwa lubi Iwa mibili yenu.

1 Kolinti 5:10,11 Nshalo seshe mukutila muletaluka ku bantu ba pano calo bacilende nangu abalunkumbwa Iwa fyuma, nangu abapupu nangu abapepa utulubi. Awe pakataluka kuli aba bantu shikanofye ninshi wafuma muno calo. 11 Naloseshe mukutila muletaluka ku muntu uwakuti aleti,

“Ndi munyinenwe muli Kristu,” lelo kibili ni cilende, nangu walunkumbwa Iwa fyuma, nangu alapepa utulubi, nangu wamusaalula, nangu ni cakolwa, nangu ni mpupu. Umuntu wa musango uyo tecakwesha ukwikala nankwe nangu ukulya nankwe.

1 Kolinti 6:9,10 Bushe tamwaishiba ukuti abantu ababifi tabakapyane Ubufumu bwakwa Lesa? Kanshi mwilaibepa, bacilende, nangu abapepa utulubi, nangu abantu ababembuka, nangu abacita ubucende na baume banabo, 10 nangu abapupu, nangu abalunkumbwa Iwa fyuma, nangu bacakolwa, nangu abamusaalula, nangu abacenjesha abanabo, tabakapyane Ubufumu bwakwa Lesa.

1 Kolinti 10:6 Ifi fintu fyacitike pakutusoka ukuti tusambilileko. Twilakumbwa ifibi nga filya bena balecita.

1 Kolinti 12:31 Kanshi mulefwaisha ubupe bwacindamapo. Kanshi nomba nalamulondolwela ubupe bwacindamishapo pali bonse.

1 Kolinti 14:39 Eico kanshi bamunyinane, sakamaneni ukusesema amashiwi yakwa Lesa. Kibili mwilalesha abalelanda mu ndimi ishalekana lekana.

2 Kolinti 9:5 Eico ine ntontonkenye ukuti, cilefwaikwa ukuti twatuma aba bamunyinefwe bese uko ilyo ifwe tatulaisa. Epakuti mwapekanya kabela ifyabupe ifyo mwalaya ukupeela. Illyo nkafika, nkasangefye nafiteyanishiwa. Ici cikalanga ukuti mupeelafye ku kufwaya kwenu tekumupatikisha iyoo.

Galatia 5:16-20 Ifyo ndemweba nifi, muleenda abatungululwa na Mupashi, lyena tamwakulakonkelela ifyo ubuntunse bwenu bufwaya. 17 Pantu ififwaya ubuntunse bwesu fyalipusana nefyo Mupashi awaya. Elyo ifyo Mupashi awaya, nafyo fyalipusana ne fifwaya ubuntunse bwesu. Mupashi no buntunse filalwishanya. Kanshi eco mufililwa ukucita ifyo mulefwaya ukucita. 18 Lelo nga Mupashi eumutungulula, kanshi ninshi tamwateekwa na Mafunde yakwa Mose. 19 Nomba imicitile ibi iyabuntunse yalishibikwafye bwino. Niyi, bucilende, ubupulumushi, ubucende, 20 ukupepa utulubi, ubuloshi, ukupatana no kulaumana, ubufuba, icipyu, bukaitemwe, akapatulula no kukanaumfwana,

Galatia 5:24 Abantu bakwa Kristu Yesu, bena balipaya ipamfyia iyabuntunse no lunkumbwa lubi.

Efeso 2:1-3 Imwe kale mwalifwile pa mulandu wa bumpulamafunde no bubifi bwenu. 2 Pantu mu bumi bwenu mwalekonkelela imisango iyabipa iya pano calo. Mwalenakila na kateeka wa bufumu bwa mu Iwelele, Ciwa uo na nombaline acili alebomba mu bantu abashipetamina Lesa. 3 Kwena bonse pa nshita imo na ifwe efyo twali. Twaikele mukukonkelela ulunkumbwa lubi, twalecitafye ifilefwaya imibili yesu na mano yesu. Kanshi mu buntunse bwesu pamo nga bantu bambi bonse, Lesa ali nokutukanda.

Efeso 4:19 Tabomfwa nsoni nakalya. Baiposa abene kuli bucilende, kibili babikapofye no kulacita ifibi ifya misango yonse.

Efeso 4:22-27 Kanshi fuuleni imisango yenu iyakale. Muleke imikalile ya bumuntu bwenu ubwakale ubwa lunkumbwa ululebonaula. 23 Imitima yenu na mano yenu fisanguke ifipyga. 24 Muli nokufwala bumuntu bupya, ubwabumbwa mu cata cakwa Lesa, pakuti ubumi bwenu bulemoneka icine cine ubwamushilo kabinge ubwakaele pa cinso cakwa Lesa. 25 Kanshi, lekeni ubufi! Cila umo alelanda ifyacishinka ku munankwe, pantu ifwe bonse tuli filundwa fya mubili umo. 26 Nga cakuti mwafulwa, mwilaleka ukufulwa kwenu kumutwale kukubifya. Mwileka akasuba kawe mwikelefye mukufulwa. 27 Mwilaleka Ciwa ashukile akashita kakumutwala mu ntunko.

Efeso 5:3,5 Apo imwe muli bamushilo bakwa Lesa, kuli imwe takuli nakumfwika ifyabulalelale nangu bucilende nangu ulunkumbwa Iwa fyuma. 5 Kanshi mushininkishe ukuti umuntu cilalelale, impulumushi, no wa lunkumbwa Iwa fyuma, pantu ici cena cimo no kupepa utulubi, takapyane Bufumu bwakwa Kristu na Lesa.

Kolose 3:5 Mufwile ukuleka ifwe imibeele yenu yonse iyabuntunse, iyili ngo bulalelale, ubupulumushi, ulunkumbwa lubi, amano yabi, ulunkumbwa Iwa fyuma, pantu ulunkumbwa Iwa fyuma e cimo ngo kupepa utulubi.

1 Tesalonika 2:5 Mwalishibafye bwino ukuti tatwaishile kuli imwe na mashiwi ayasuma ayakumubeleleka, nangu ukubomfyga amashiwi yakufisa umutima wakufwailisha ifyuma. Ala Lesa e kambone wesu.

1 Tesalonika 4:3-7 Lesa alefwaya ukuti mube abamushilo, abataluka na ku fyabulalelale. 4 Cila muntu pali imwe eshibe ifyakusunga umubili wakwe mu nshila iyamushilo ne yamucinshi. 5 Mwilakonkelela lunkumbwa lubi kwati bantu abashaishiba Lesa. 6 Kanshi nelyo umo elafyengelesha munyina pali uyu mulandu. Twalimwebele kale ifi no kumusoka ukuti, Imfumu ikakanda abacita ifi fyonse. 7 Pantu Lesa tatwita ukuti tuleba bacilende, lelo ukuti tuleba abamushilo.

1 Timote 3:3,8 Tali nakuba cakolwa wa bwalwa nangu ukuba uwalubuli, lelo ali nokuba uwamutembo, kibili uwacibote. Kibili tafwile kuba umuntu uwatemwisha indalama. 8 Badikoni nabo bene bali nokuba abaicindika kibili abacishinka. Tabali nakuba bacakolwa wa bwalwa nangu abatemwisha indalama.

1 Timote 6:9,10 Lelo abantu abafwaya ukuba abakankala bafyuma, bena bawila mu ntunko no kwikatwa ne fintu ifyabuwelelele ifingi no lunkumbwa Iwakubaletelela. Elyo ifi fibaposa mukubonaula no kuloba. 10 Pantu ukutemwa indalama e ntulo ya fibi fya misango yonse. Abantu bamo mukufwaisha indalama, basuka basangukila icisumino na mu mitima yabo mwaisula amacushi ayengi.

- 2 Timote 2:22 Uletaluka ku lunkumbwa lubi ulwa mu bulumendo. Kibili pamo na bantu aba mitima iyakaele abakuuta Lesa ukuti alebafwilisha, na iwe uli nokufwaisha ukuba uwakaele pa cinso cakwa Lesa, uwacisumino icitemwiko ne cumfwano.**
- 2 Timote 3:2,6 Abantu bakalaisakamanafye abene, bakatemwisha ifyuma, abamataki, kibili abaitutumuna. Bakaba abansele, abashumfwila abafyashi, abashitasha kibili abashili bamushilo. 6 Bamo pali aba bantu bengila mu mayanda ya bantu no kunasha abanakashi abashashipa. Aba banakashi bantu batitikishiwa no bubi bwa fyabubifi fyabo, kibili bantu basendwa no lunkumbwa ulwa misango yonse.**

2 Timote 4:3 Ala inshita ikesa ilyo abantu tabakalefwaya ukumfwa amafunde yacine cine. Lelo bakalakonkafye ifyo balefwaya abene. Bakaikolonganikila bakafundisha abengi abakubeba ifyo abene bafwaya ukumfwa.

Tito 2:12 Ici cikuuku citufunda ukuleka imikalile ishili ya bwina Lesa no lunkumbwa Iwa fya pano calo. Citufunda ukwikala pano calo abatekanya, abololoke, kibili abapetamina Lesa,

Tito 3:3 Na ifwe pa nshita imo twali ifiwelewele, ficintomfwa kibili abalubantika. Twateekelwe ubusha no lunkumbwa lubi na ku fyakuisansamusha ifya misango misango. Ubumi bwesu bonse bwaliyfe mukubifya na mu mufimbila, bambi nga batupata na ifwe twalebapata.

Bahibulu 13:5 Mu mikalile yenu mwilatemwa indalamu, mulemona ifyo mukwete amuti nafitilinga. Pantu Lesa asosa ati, “Nshakatale musha. Nshakatale mulekelesha.”

Yakobo 1:14,15 Lelo umuntu atunkwa ilyo ulunkumbwa Iwakwe Iwamusembeleka no kumwikata. 15 Ulunkumbwa nga Iwakula, Iuleta ububifi. Ububifi nga bwakula, ninshi buleta imfwa.

Yakobo 4:1-5 Bushe ifilenga ukuti muleumana no kulalwa fifuma kwi? Bushe temukukonkelela ulunkumbwa lubi ululwisha mu mibili yenu? 2 Mulafwaya ukukwata ifintu nomba tamukwata, eco mwipailapo na bantu. Mufimbila ukukwata ifintu lelo tamufikwata, eco muumanina no kulalwilapo. Tamukwata ifyo mufwaya pantu tamafilomba kuli Lesa. 3 Ico mushipokelela ifintu ilyo mulomba, nico mulomba na mapange yabi. Mulomba ifintu fyakumusansamushafye mwe bene. 4 Mwe bantu basangukila Lesa mwe! Bushe tamwaishiba ukuti ukubikana bucibusu ne calo kuba umulwani wakwa Lesa? Uufwaya bucibusu ne calo aicita umulwani wakwa Lesa. 5 Mwilatontonkanya ukuti te fyacishinka ifyalembwa mu Malembo Yamushilo ifitila, “Mupashi Lesa abika muli ifwe, alitutemwa, alatufubila no kutufubila.”

1 Petelo 1:14 Nga bana abanakila Shinwe, mwilakonkelela lunkumbwa lubi ulo mwali nalo ilyo mwali tamulaishiba Kristu.

- 1 Petelo 2:11** Mwe batemwishi bandi, apo mwaba abeni kibili abalendo muli cino calo, ndemupapata ukuti mwilakonkelela ulunkumbwa lubi ululwisha imyeo yenu.
- 1 Petelo 4:2-4** Pantu nomba inshiku shonse isha bumi bwakwe pano calo tekuti atekwe no lunkumbwa lubi ulwabuntunse, lelo kanofye ukucita ififwaya Lesa. 3 Kale mwaikeli inshita ikalamba mulecita ifyo abantu abashaishiba Lesa batemwa ukucita. Mwaleikala mu bulalelale, mukukonkelela ulunkumbwa lubi, muli bucakolwa, mu kuipakisha kwa misango yonse, mu bunweshi na mukucita icintu icansonni nganshi icakupepa utulubi. 4 Kanshi nomba abantu bashaishiba Lesa nacibapesha amano ico mushilebakonka mu mikalile ibi iyabuwelewele, kanshi e mulandu wine balemusaalwila.
- 2 Petelo 1:4** Ni ku bucindami bwakwe no busuma bwakwe eco atupeelela ifyabupe ifikankala ifyacindamisha nganshi ifyo atulaile. Pakuti kuli ifi fyabupe mumone ukukuma kuli Bulesa bwakwe, mupusuke na ku konaika kwa bantu ba pano calo ku mulandu wa lunkumbwa lubi.
- 2 Petelo 2:3** Aba bakafundisha babufi pa mulandu wakuba no lunkumbwa Iwa fyuma, bakalamucenjesha pa fyuma fyenu mukulamufunda ifyabufi. Nomba kaputula wa milandu yabo apingula kale ukubakanda, no wakubonaula alolafye lyonse alebalindila.
- 2 Petelo 2:9-19** Kanshi Imfumu yalishiba ukupususha abantu abapetamina Lesa mu mafya yabo. Kibili yalishiba no kusunga abantu babi abali nokukandwa pa Bushiku bwabupingushi. 10 Palibufi Lesa akakanda abantu abakonkelela ulunkumbwa Iwabo lubi no kusuula amaka yakwa Lesa. Aba bakafundisha babufi baba abapama kibili abakamuka, tabakwata na mwenso wakutwala umusaalula ku fibumbwa fyacindama ifya mu mulu. 11 Nangu ni bamalaika bene, abacilapo nganshi kukukosa na maka pali bakafundisha babufi, tababakwatila musaalula pakubebelela pa cinso ca Mfumu. 12 Aba bakafundisha babufi balanda no musaalula pa fintu ifyo bashishibe. Baba kwati ni nama sha mpanga ishishaishiba ico shilecita. Shena shifyalwafye pakuti shikatwe no kwipaiwa. Naba bakafundisha babufi bakonaulwafye kwati ni nama sha mpanga. 13 Bakacula pa mulandu wakucusha bambi. Bena insansa shabo kucita ifyakusansamusha imibili yabo pa Iwalala. Baba kwati matoni ya fiko ayaleta insoni, pantu ilyo muli nabo pakulya, bena basansamukila mukucita ifyakumubepaika. 14 Amenso yabo yabafye pa banakashi bakubembuka nabo. Baba no lunkumbwa ulushinaka ukufwaya ukubifya. Basembeleka abantu bashakosa pakuti babifye. Imitima yabo yateekwa no lunkumbwa. Aba bantu Lesa alibatipwila. 15 Balisha inshila yacishinka no kuluba baliluba. Bakonka inshila yakonkele Balamu mwana Beori, uwatemenwe ukumwenamo indalama mukucita icilubo. 16 Lelo asukile

akalipilwa pa cilubo cakwe. Punda wakwe inama iyishilanda, alandile ne shiwi iya muntu, alesha kasesema Balamu ukulacita ifyabuwelewele. 17 Aba bakafundisha babufi baba kwati tumfukumfuku twa menshi utwakama, kwati makumbi ayaleululwa ne cikuuku ca mwela. Ala Lesa alibapekanishisha icifulo camfifi. 18 Pantu aba bantu pakuitasha balanda amashiwi yaciwelewele, kibili babomfy a ulunkumbwa lubi ulwa mubili pakusembelela abantu abo batampilefy ukupusuka ku bantu abekala mu cilubo. 19 Babalaya ukuba abantungwa, nomba abene bena bacili abasha ba misango yabo iyakubonaula, pantu umuntu musha wa ico conse icamucimfy.

2 Petelo 3:3 Icapakubala ico muli nokwishiba nici icakuti mu nshiku shakupelekeshako kukesabantu bamo abakalakonkelelafye ulunkumbwa Iwabo lubi, bakalamuseka no kumuseka.

1 Yoani 2:15-17 Mwilatemwa calo nangu ifintu fya pano calo. Nga watemwa icalo, ninshi tekuti utedwe Lesa Tata. 16 Pantu ifintu fyonse ifya pano calo, ulunkumbwa lubi, ulunkumbwa lwa meno na matakia ya fyuma, ifi fyonse tafifuma kuli Lesa, fifuma ku calo. 17 Icalo ne fintu fyonse ifyo abantu bakumbwa fileya kukupwa. Lelo abacita ifyo Lesa afwaya bena bakabelelela pe.

Yuda 1:11 Aba bantu bakacimona! Pantu bakonka imisango yakwa Kaini. Pa mulandufye wa ndalama, baiposa mu cilubo cacitile Balamu. Kanshi nabo balisangukila Lesa nga filya Kora acitile, eico pamo pene nga Kora nabo bakonaulwa.

Yuda 1:15-19 Ikesa kukupingula abantu bonse. Ikesa kanda ababifya pa fibi fyonse ifyo bacita mu kubifya kwabo. Ikesa kanda ababifya bonse pa mashiwi yonse ayabi balandile pali Lesa!" 16 Aba bantu bailishanya fye lyonse no kwebaula abantu bambi. Bakonkelelafye ulunkumbwa Iwabo. Baishibafye ukuitakisha no kusembeleka abantu pakuti bamwenemo ifyo balefwaya. 17 Lelo imwe mwe bacibusa bandi muleibukisha ifyo abasole ba Mfumu yesu Yesu Kristu bamwebele kale. 18 Bamwebele ukuti, "Mu nshiku shakupelekeshako, kukaba abantu abakalamupumya, abantu abakalakonkelelafye ulunkumbwa Iwabo." 19 Abantu ba uyu musango abaleta ukupatulukana, bakonkelelafye ifyabuntunse, tababa na Mupashi wakwa Lesa.

Ubusokololo 18:14 Abantu bamakwebo bakakweba abati, "Ifintu fyonse ifyo walefwaisha nafiloba. Ifyuma no bukankala bobo bonse nafiloba tawakatale aufimona nakabili!"